

cxi Testament de anth(oin)e chambert  
dict pancossie

grossoye

Au nom de dieu soyt amen scaichent tous  
presans et advenir que ce( )jourd( )huy **vingt( )septie(sme)**  
du moys de **janvier mil v° lxxxii** au lieu et  
[par]oisse de manhanac et maison du testate(ur) bas  
nomme au( )diocese de mo(n)th(aub)an et sen(echau)cee de  
th(ou)l(ous)e regnant tres( )c(h)restien prince henry par  
la grace de dieu roy de france et de pologne  
ez presances de moy not(air)e royal soubzsigne  
et des tesmoings bas nommes estably  
en personne **anth(oin)e chambert dict pancossie**  
**labo(u)re(ur) de** lad(ite) [par]oisse de **manhanac** lequel  
estant dans son lict de la chambre de sad(ite) maison  
detenu d aulcune maladie corporelle to(u)tesfoys  
bien voyant oissant parlant cognoissant  
et estant en ses bons scens et parfaicte  
memoyre [con]siderant etc a ceste( )cause  
de son bon gre et bonne volunte a faict et  
ordonne son tetament nuncupatif et derniere  
volunte en la forme et maniere suyvens  
en premier lieu led(it) chambert testateur a  
faict le signe de la croix sur soy disant  
in nomine patris et filly et spiritus( )sancti  
amen a recommande son ame a dieu le  
create(ur) a la benoiste vierge marie et a tous  
les benoistz saintz et saintes de paradis  
et ~~que~~ a volu que quant son ame  
sera separee de son corps sond(it) corps soyt  
ensepvely au cimitiere de l( )egl(is)e de manhanac

et tumbes de ses predecesseurs et que ses hon(neu)rs  
de sepulture novene et cap d an luy soyent  
faictz en ensuyvantz les [con]stitu(ti)ons de n(ot)re  
mere sainte egl(is)e catholicque romaine  
aux despens de son bien chargeant **guill(aum)e chambert**  
**dict guilhonet labo(u)r(e)ur du terme son beau pere**  
s( )en acquiter ^° item a dict et declaire  
dict et declaire led(it) testate(ur) avoir este  
**marie en secondes nopces avec bernarde**  
**chamberte filhe dud(it) chambert dict guilhonet**  
**decedee il y a sept ou huict jours** et  
avoir receu de douaire dud(it) chambert  
vingt escuz sol lict et une robe et  
quatre linceulx qu( )il veult le( )tout estre  
rendu et restitue aud(it) chambert son  
beau( )pere item a donne et legue  
donne et legue led(it) testate(ur) a arnauld  
cappolade son frere uterin pour tout

droict d( )institu(ti)on et de( )hereditaire [par]t et  
portion la somme de deux escuz d(enie)r sol  
payable la moytie a la magd(elai)ne [pro]ch(aine)  
et l( )autre moytie a l( )autre magd(elai)ne apres  
suyvant [par] son herictiere bas nommee  
et avec cella l( )a faict et institue  
son herictier particulier et veult qu( )il  
ne puyse rien plus demander en ses  
biens et heredite a son herictiere bas nomee  
et en tous et ch(ac)uns ses au(tr)es biens noms  
droictz et actions led(it) chambert  
^o d( )y appeler chasques foys cinq p(rest)bre a brusler dix  
liv(re) cire a apyer a ch(ac)un p(rest)bre la somme de iii s(ols)

cxii

testate(ur) a faicte et institue son herictiere g(e)n(er)alle  
et( )universelle et l( )a nommee de sa [pro]pre bouche  
**marguerite chamberte sa filhe legitime et  
naturelle et de anne laferriere sa premiere  
femme** pour desd(its) biens et heredite f(air)e a  
ses plaisirs et volutes a la vie et a la  
mort a la charge de payer les susd(its) legatz  
et de f(air)e et acomplir le [con]tenu en son p(rese)nt  
testament led(it) (*testateur*) a voulu et veult que au  
cas lad(ite) chamberte ~~her~~ sad(ite) filhe et  
herictiere viendroit a deceder s en  
pupilaire estat / sans fruict de son  
loyal mariage ou sans f(air)e testament  
estant en( )eage de tester en ce cas que  
sesd(its) biens et heredite deviennent et  
a[par]tiennent a( )**pierre laferriere** et aud(it)  
**guill(aum)e chambert ses beaux peres** ou aux  
leurs pour les diviser esgalement  
[par] moytie entre eulx et ou les leurs  
et a prie led(it) laferriere de bien regir  
gouverner et norrir lad(ite) marguerite susd(ite)  
filhe et herictiere aux despens de son bien  
jusques a( )ce qu( )elle soyt colocquee en  
mariage et ce dessus etc casse  
etc es excepte le presant son testament  
qu( )il a volu et veult que sorte esfaict

et veult que soyt valable et soyt valable  
par droict de testament nuncupatif et s( )il  
ne valoyt ou pourroyt valoir [par] droict de  
testament nuncupatif veult que valhe et soyt  
valable [par] droict de codicille et s( )il ne  
valoyt ou pourroyt valoir [par] droict de codicille  
veult qu( )il valhe et soyt valable [par] donna(ti)on  
faicte a cause de mort entre les vifz a jamais  
irrevocable et par tout autre droict uz stil  
et coustume de ~~viii~~ p(rese)nt pays qu( )il pourra  
mieulx et plus valoir requerant et priant

les tesmoingz bas escriptz [par] luy [reco]gneuz et  
le(ur) en souvenir et d( )en porter bon et loyal  
tesmoignage de verite et a moy not(air)e luy en  
~~souvenir~~ retenir acte et instrum(en)t ce qu( )ay  
faict en presances de jehan amyel hoste  
jehan themines labo(u)re(ur) jehan petit gerauld  
amelain arnauld cappolade pierre er  
jehan serin anth(oin)e mestre guill(aum)e gautier  
de manhanac et moy jehan richard not(aire)  
royal dud(it) villemur requis soubzsigne  
lesd(its) testate(ur) et tesmoingz ne scavent signer

Richard, not(aire) r(o)yal